

OCTOBER 2016

**UWEVWIN ORHERẸ**  
RO GHWOGHWO UVIE RI JIHOVA

December 12-18

**Bon Esegbuyota Wẹn Gan  
Kpahen Iphierophiyọ Wẹn**

ARUQBE 3

December 19-25

**Vwo Esegbuyota Kpahen  
Ive re Jihova**

ARUQBE 18

Ọ re Ibieta Royen Rhoro

ẸBERE 2

## IYOVWINRETA RE CHE YONO

---

### ■ **Bon Esegbuyota Wen Gan Kpahen Iphierophiyọ Wen**

### ■ **Vwo Esegbuyota Kpahen Ive re Jihova**

Iyovwinreta ive nana cha fueren ebere ive re esegbuyota re djise royen vwe Hibru 11:1. Uyovwinrota resosuo na dje obore esegbuyota avwanre sa vwo rho je ganphiyo. Uyovwinrota rive na dje oboresoro uvi re esegbuyota vwo vre a de vwo rien ebruphiyo re Jihova rhuere vwo ke avwanre.

A she obe nana-a.  
Oyen ebere-ovo re  
owian re uyono ri  
Baibol re akpoje, re  
ruẹ womare itetoro ro  
wonhwo.

Wọ da guṅṅọ ru  
itetoro, biko kpo  
[www.jw.org/urh](http://www.jw.org/urh).

Jokpane ke djerephia, asan ri ne Baibol rhe eje ra vwoba tota, *Baibol Ofuanfon Na* oyen i nurhe, ekevuovo, e si ibieta na nene obo re sie eta re Urhobo asaakiephana. Wọ da rha mre *NW*, gba rien ne *New World Translation of the Holy Scriptures, 2013 Edition*, oyen o nurhe.

*The Watchtower* (ISSN 0043-1087) Issue 15 October 2016 is published monthly with an additional issue published in January, March, May, July, September, and November by Watchtower Bible and Tract Society of New York, Inc.; L. Weaver, Jr., President; G. F. Simonis, Secretary-Treasurer; 1000 Red Mills Road, Wallkill, NY 12589-3299, and by Watch Tower Society of Jehovah's Witnesses Ltd/Gte, P.M.B. 1090, Benin City 300001, Edo State. Periodicals Postage Paid at Brooklyn, NY, and at additional mailing offices. **POSTMASTER:** Send address changes to Watchtower, 1000 Red Mills Road, Wallkill, NY 12589-3299. © 2016 Watch Tower Bible and Tract Society of Pennsylvania. Printed in Nigeria.

# **Bon Esegbuyota Wen Gan Kpahen Iphierophiyọ Wen**

*“Esegbuyota he iphierohọ re obo ri mu  
ohwo ero.”—HIB. 11:1.*

---

**UNE: 81, 134**

## **DIE YEN EKPAHONPHIYO WEN?**

**Mavo yen idibo re Jihova re oke awanre vwo  
bon esegbuyota rayen gan?**

**Erɔnvwon vo yen sa chon avwanre uko vwo  
bon esegbuyota avwanre gan?**

**Erere vo yen che te avwanre obo siere e de  
vwo esegbuyota ro nabo gan?**

---

**A MRE vwo dje iphierophiyọ re Inenikristi  
re uyota-a! Owene e che kpo odjuvwu yere a  
he usun re “igode efa” na, avwanre eje rhero  
re orugba re ohore re Oghene kugbe orufon re  
ode royen. (Jon 10:16; Mat. 6:9, 10) Onana**

**1, 2. (a) Idjerhe vo yen iphierophiyọ re Inenikristi vwo  
fene o re ihwo buebun? (b) Enọ eghanhanre vo yen a cha  
fuere asaokiephana?**

yen iphirophiyọ ro fori ne ihworakpo me ni ghanghanre. Avwanre eje rhero re uve re arho re bede na vwe “idjuvwu ekpokpo” yere vwe “akpo” kpokpo na. (2 Pita 3:13) Tavwen oke yena ki te, avwanre rhero re ebruphiyo re ewen ro buenphiyo, re ihwo re Oghene riavwerhen royen.

2 Nonena, ihwo buehun ji vwo iphirophiyọ evo, ekevuovo ayen vwo ewen ivive kpahen orugba rayen. Kere udje, iduduru re ihwo ri phi idjogba se vwo iphirophiyọ ne ayen che phikparobo ede ovo, je o mu ayen ero-o. Ekevuovo, uvi re esegbuyota, oyen iphirophiyọ re Inenikristi ro nabo “mu [ayen] ero” den. (Hib. 11:1) Wo se roro ne, mavo yen iphirophiyọ wen se vwo muwero den? Erere vo yen hero siere wo de vwo esegbuyota ogangan kpahen iphirophiyọ wen?

3 Esegbuyota diẹ obo ra riuku roye-en; e ji vwo kpregede-e. Ohwo se vwo siere o de rhie ubiudu royen phiyo vwo ke ewen ofuanfon re Oghene. (Gal. 5:22) Baibol na tare ne Jihova vwo esegbuyota-a yere ko guoner-o. O vwo diane Jihova yen me vwo egba ve aghwanre na, o vwo emu vuovo ro sa nerhe o je ohore royen eruogba-a. O vwo imuero re orugba re ive royen na mamọ te edia re vwe ero royen, i rugba re. Koyensoro o vwo tane, “O rere!” yere i rugba re. (Se Ewophia 21:3-6.) E mu esegbuyota re Inenikristi kpahen erianrien na ne Jihova oyen “Oghene re uyota,” ro rue ive royen eje gba okeneje.—Urhi 7:9.

## **YONO MIE IHWO RE ESEGBUYOTA RE AWANRE**

4 Obe re Hibru uyovwin 11, djunute ede re eshare ve eya 16 ri vwo esegbuyota. Oyinkon

3. Die yen e mu esegbuyota re Inenikristi kpahen?

4. Iphierophiyo vo yen eshare ve eya ri vwo esegbuyota oke awanre niri ghanhanre?

Pol tare ne ayen ve ihwo efa buebun “se oseri re esegbuyota rayen.” (Hib. 11:39) O nabo “mu” ayen eje ero ne Oghene cha vwe ‘omo’ re uve na vwo mu rere o si ewwosu re Eshu no, o mi ji ru orugba re ohore re Jihova. (Jen. 3: 15) Ihwo re esegbuyota nana ghwuru tavwen ‘omo’ re uve na, Jesu Kristi, ki rhie idjerhe phiyo vwo ke ihwo ri che kpo odjuvwu. (Gal. 3:16) Dedena, ive re Jihova shefia-a, otioyena a cha rhovwon ayen rhe otorakpo na rhi yerin akpeyeren ogbagba.—Une 37:11; Aiz. 26:19; Hos. 13:14.

5 Obe re Hibru 11:13 ta ota kpahen idibo re Oghene re oke awanre ne, “Enana ejobi na ghwuru vwe evun re esegbuyota rayen, ye ive re ve ke ayen na ji te ayen obo-o, ekevuovo re 5, 6. Die yen Ebrahim ve orua royen tenrovi, ke mavo yen ayen vwo sero esegbuyota rayen? (Ni uhoho resosu vwe Uwevwin Orhere ocheko na.)

ayen vwo mre ayen de yenre vwe ogboko.” Owo rayen yen Ebrahim. O nabo tenrovi iphirophiyọ re akpeyeren vwe usuon re ‘omo’ re uvena? Jesu kpahenphiyo ono yena oke ro vwo ta ota ke ivwighren royen ne, “Ose re ovwan Ebrahim ghoghore ne oye mre ede me; o mre o da ghogho.” (Jon 8:56) Otioyen o je hepha ke Sera, Aizik, Jekop, ve ihwo efa buebun re tenrovi iphirophiyọ re Uvie na, “ohwo ro bonro kugbe o ro fanro ke Oghene.”—Hib. 11: 8-11.

6 Mavo yen Ebrahim ve orua royen sa vwo sero re esegbuyota rayen? O sa diane ayen yono kpahen Oghene womare ihwo re fuevun oke ro wanre, emramre, yere ebe re awanre re ayen seri. O ro ma rho, obore ayen yonori na chorọ ayen ero-o, ekevuovo ayen ni ive re Oghene ve obo ro guonore ghanghanre, ji roro

kpahen ayen. Kidie ne ayen vwo imuero ogangan kpahen iphirophiyọ rayen, ihwo nana muegbe ayen vwo rioja fikire evun-efuon rayen vwo ke Oghene.

7 Jihova ke avwanre Baibol na, a sa vwo sero re esegbuyota avwanre. O da dia obo re seru, e je avwanre se Baibol na kede kede rere o vwo “yovwi” ke avwanre, a je vwo mre “eburphiho.” (Une 1:1-3; se Iruo Re Iyinkon Na 17:11.) Kere idibo re Jihova re oke awanre, o ji fo ne e roro kpahen ive re Oghene okieje jinene iji royen. Jihova ke avwanre emu re ewen buebun womare “odibo esiri na.” (Mat. 24:45) A da vwe ero oghanhanre vwo ni emu re ewen re Jihova vwo ke avwanre na, ka cha hoho ihwo re awanre ri vwo esegbuyota, re iphirophiyọ re Uvie na nabo “mu” ero den.

---

7. Erɔnvwon vọ yen Jihova vwo ke avwanre re sa bon esegbuyota avwanre gan, ke die yen e ru kpahen ayen?



8 Ɛrhovwo je chon idibo re Ɔghene re awanre uko vwo bon esegbuyota rayen gan. Ayen da mre obore Ɔghene kpahan phiyo erhovwo rayen wan, o bon esegbuyota rayen gan. (Neh. 1:4, 11; Une 34:4, 15, 17; Dan. 9:19-21) Avwanre sa je ta odawe avwanre eje vwo ke Jihova, a vwo rien ne o che nyo avwanre je ke avwanre egba re vwo chirakon ve aghogho. O da kpahenphiyo erhovwo avwanre, onana nerhe esegbuyota avwanre ganphiyo. (Se 1 Jon 5:14, 15.) Ro vwo diane esegbuyota oyen ebere ovo re omamo re ewen ofuanfon na, ofori ne avwanre “no” okieje vwo ke ewen ofuanfon re Ɔghene kirobo re Jesu vwe avwanre.—Luk 11:9, 13.

9 E je erhovwo avwanre eje dia oyare

8. Idjerhe vo yen erhovwo vwo bon esegbuyota avwanre gan?

9. Vwoba erhovwo romobo avwanre, amono yen a sa je nerhovwo ke?

romobo avwanre ovo-o. A sa kpevwę Jihova ji jiro kęde kęde fikire “iruo re igbunu” royen ri “buno obo re se kerı”! (Une 40:5) E je erhovwo re avwanre ji djephia ne avwanre “karoho ayen otu re he uwodi, kere-sie ra da mre ne [avwanre] ve ayen re gba he uwodi na.” E je avwanre je nerhovwo vwo ke iniovo avwanre rehe akpoeje, ma rho “isun re [avwanre]” yere ekpako na. A da mre obore Jihova kpahan phiyo erhovwo avwanre, onana te avwanre ewen mamọ!—Hib. 13:3, 7.

## AYEN RHONVWE SIOBONU OYONREGAN RAYE-EN

10 Vwe obe re Hibru uyovwin 11, oyinkon Pol djise re edavwini sansan re idibo re Oghene rioja royen. Kere udje, Pol djunute eya ri vwo

---

10. Udje sansan vo yen hero kpahen idibo re Oghene re rhonvwe sen oyonregan raye-en, ke die yen ke ayen egba?

esegbuyota re emọ rayen ghwuru, a da rhoma kpare emọ na vren. O da je ta ota kpahen ihwo re “rhovwere ne esiobo ne aye-en, rere ayen se vwo vren kpo arho ri bede.” (Hib. 11:35) Dede ne avwanre ghwa rien ihwo re Pol ta ota kpahan na-a, je ihwo kere Nebot ve Zekaraya, e phi ayen hwe kidie ayen nyupho re Oghene ji ru ohore royen. (1 Ivie 21: 3, 15; 2 Ikun 24:20, 21) Daniel ve igbeyan royen nabo vwo uphen re “esiobo ne” siere ayen rha yonrega-an. Ekevuovo, esegbuyota ayen vwo kpahen egba re Oghene chon ayen uko vwo “gba unu re ikpohrokpo” ji “furhie ogidi-erhanre.”—Hib. 11:33, 34; Dan. 3:16-18, 20, 28; 6:13, 16, 21-23.

11 Fikire esegbuyota, a vwe emraro kere Maikaya ve Jerimaya vwo “jehwe . . . e mu evo

11. Edawini vo yen emraro evo rhiromre fikire esegbuyota rayen?

phiho uwodi.” Efa kere Ilaija, “suosuo wan egbo ve ogo, emwa ve igbogho re akpo na.” Ayen eje chirakon kidie ayen vwo “iphiero ho re obo ri mu ohwo ero.”—Hib. 11:1, 36-38; 1 Ivie 18:13; 22:24-27; Jer. 20:1, 2; 28:10, 11; 32:2.

12 Pol vwo ta ota kpahen eya ve eshare san-san ri vwo esegbuyota nu, o da kanrunumu udje ro ma rho, oyehe Jesu Kristi. Hibru 12:2, da ta: “Fiki re aghogho ro he obaro ke chiri odjadja re [“urhe roja na,” *NW*], o davwerhon re omaevuo na-a, o de rhi tidia oborhe re ekete re Oghene.” Vwo re uyota, ofori ne a nabo “roro” kpahen esegbuyota re Jesu siere e de hirharoku edavwini egangan. (Se Hibru 12:3.) Kere Jesu, Inenikristi resosuo kere odibo Antipas, rhonvwe sen oyonregan roye-en. (Evw. 2:13) A cha rhovwon ayen

12. Ono yen udje ro ma rho kparobo re akoechiro, die yen chon ro uko vwo chirakon?

nushi kpo odjuvwu, rọ rho vrẹ “arhọ ri bẹdẹ” rẹ idibo rẹ Ọghẹnẹ rẹ ọke awanre rhero royen. (Hib. 11:35) Uvie na ton usuon phiyo ukpe rẹ 1914, ọmọke vwo wan nu, a da kpare ihwo re fuevun tiọyena ra jereyo eje nushi kere ihwo rẹ ewen vwo kpo odjuvwu ri che nene Jesu sun otorakpo na.—Evwọ. 20:4.

## IHWO RẸ ESEGBUYOTA NONENA

13 Iduduru rẹ ihwo re ga Ọghẹnẹ nonena vwerokere udje rẹ Jesu ayen vwo tenrovie iphirophio rayen, ayen je rhovwan ne edawini guoghọ esegbuyota raye-en. Roro kpahen Rudolf Graichen re vwiere vwe Germany ukpe rẹ 1925. Ọ karophio ihoho iyoyovwi rẹ ikuegbe sansan rehe Baibol na rehe igbehe rẹ uwevwin royen. O de si: “Uhoho ovo dje ubido ve omogode, emevwe ve okorhi, ọmọ

---

13, 14. Edawini vo yen oniowo Rudolf Graichen hirharoku, ke die yen chon ro uko vwo chirakon?

re erhuen ve okpohrokpo, ayen eje yeren vwe ufuoma; omotete yen sun ayen eje. . . . Ihoho yena cha sa chorọ ovwe ẹro-o.” (Aiz. 11:6-9) Oniọvo Rudolf sero re iphirophiyọ royen vwo kpahen iparadaisi na dede ne o rhiromre omukpahen ogangan vwe abọ re isodje re Nazi ve elokpa re East Germany.

14 Oniọvo Rudolf ji rhiromre edawini efa, kere udje, oga re se typhus hwe oni royen vwe asan ra da vwe oja rie ihwo rohe Ravensbrück, ose royen sa sero re oyonregan roye-en, o da ghwobophiyọ obe ne oyen rha dia Oseri re Jihova-a. E vwo siobono nu, Rudolf da ga kere oniruo okinriarie, e de ji se kpo Isikuru re Gilead. A da vwe ne o ra ga kere imishonare vwe Chile, o da rhoma ga kere oniruo okinriarie vwe oboyin. Edawini re oniọvo na je doboji vwe etiyi-in. Oke vwo yanran na, o da

roywon Patsy ro je dia imishonare, egbukpe ovo vwo wan nu, omote rayen de ghwu. Oke re aye royen vwo he egbukpe 43 ovo, o de rhe ghwu. Oniowo Rudolf chirakon re edawini nana eje, dede ne o muoga, o je ghwore o je ga kere okobaro okieje kugbe okpako oke re vwo gbikun re akpeyeren royen vwe *Uwevwin Orhere* re August 1, 1997, arube 20-25, o re oyibo.[1]

15 Iseri re Jihova je ghogho fikire iphiyrophiyoy rayen dede ne ayen rhiromre omukpahen ogangan okieje. Kere udje, iniowo avwanre buebun he uwodi vwe Eritrea, Singapore, ve South Korea kidie ayen rhonvwe mu oloko-o kirobo re Jesu tare. (Mat. 26:52) Usun re iniowo nana yen Isaac, Negede, ve Paulos, rehe uwodi vwe Eritrea vre egbukpe

15. Iseri re Jihova vo yen chirakon re omukpahen nonena?

20 re! Iniovo nana rhe vwo uphen ayen vwo vwerote ese ve ini rayen re ghwore-e, ayen sa rovwo-on, dedena ayen je sero re evun-efuon rayen dede ne ayen rioja ogangan. Opharo rayen ra mre vwe websaiti avwanre jw.org, djerephia ne ayen je sero re esegbuyota rayen kokoroko. Ihwo re wian vwe uwodi na tobomuoghokwe ayen.

16 Idibo re Jihova buebun ji rhiromre oka re omukpahlen otioyen devo-o. Edavwini efa yen ayen rhiromre. Evo chirakon re obenvwe yere rioja re ofovwin ve oghworo sansan. Efa pha kere Mosis ve ihwo efa vwe Baibol na ri chukoku ewotua re ekuakua re akpo na ve otitivwe royen. Ayen honra vwosua odavwini re vwo yeren akpo nene ojevwe romobo kugbe eguono re akpo na. Die yen chon ayen uko vwo ru onana? Eguono re ayen vwo kpahen Jihova

---

16. Mavo yen esegbuyota ogangan sa vwo chon we uko?



vẹ esegbuyota ọgangan ayen vwo kpahen ive royen nẹ o che si oshenye no, je vwe arho ẹ bẹde bẹde vwo hwosa ke idibo royen vwe akpo kpokpo na.—Se Une Re Ejiro 37:5, 7, 9, 29.

17 Vwe uyono nana, avwanre mre obore e vwo roro kokodo kpahen ive ẹ Oghene vẹ ẹrhovwo ẹne ẹ ọkieje sa vwo sero ẹ esegbuyota avwanre. Oyena ko cha chon avwanre uko vwo chirakon ẹ edavwini, ra vwo tenroviẹ iphiẹrophiyọ avwanre ro nabo “mu” avwanre ẹro den na. Ekevuovo, Baibol na ji djise ẹ esegbuyota kpobaro phiyo, kirobo ẹ uyovwinrota ro vwo kpahen onana che djephia.

17. Die yen orhiẹ-ebro wen asaokiephana, ke die yen e che yono vwe uyovwinrota ro vwo kpahen onana?

---

## ETA RE ODJEFIOTO:

[1] (ẹkorota 14) Ji ni uyovwinrota na “Despite Trials, My Hope Has Remained Bright” rohe *Awake!* ẹ April 22, 2002, o gbikun ẹ akpeyeren ẹ Andrej Hanák ro dia Slovakia.

# Vwo Esegbuyota Kpahen Ive re Jihova

*“Esegbuyota he . . . imuero re obo re  
jemre.”—HIB. 11:1.*

---

UNE: 54, 125

## DIE YEN EKPAHONPHIYO WEN?

Mavo yen udje re Noa vwo chon avwanre uko vwo  
rien obo ro mudiaphiyo e vwo vwo esegbuyota?

Idjerhe vo yen e se vwo dje esegbuyota phia?

Diesoro esegbuyota ve eguono vwo dia ghanghanre?

---

ESEGBUYOTA re Inenikristi pha ghanghanre  
mamo. O dia ihworakpo eje yen vworo-o.  
(2 Tes. 3:2) Ekevuovo, Jihova ke avwanre  
ohwo “ovuovo kere otie esegbuyota” ra  
guonore. (Rom 12:3; Gal. 5:22) Ofori ne ihwo  
ri vworo dje odavwaro okokodo phia.

1. Ero vo yen avwanre vwo ni esegbuyota re Inenikristi?

2 Jesu Kristi tare ne Ọse royen rohe odjuvwu se ihwo te oma womare Ọmọ Royen. (Jọn 6:44, 65) Esegbuyota re vwo kpahen Jesu nerhe ohwo se vwo evwoghovwo re imwemwu royen. Ọnana ko rha nerhe a riavwerhen re omamo re oyerinkugbe ve Jihova bede. (Rom 6:23) Die yen avwanre ruru ro nerhe e muwan re ebruphiyo rode nana? Kere irumwemwu, oronwọn vuovo ro fo ke avwanre yen ughwu. (Une 103:10) Ekevuovo, Jihova mrere ne erhuvwu se ne oma avwanre rhe. Fikire eserophe royen, o de rhie ubiudu avwanre phiyo vwo ke iyenren esiri na. O da nerhe avwanre rhi vwo esegbuyota kpahen Jesu ve iphirophiyọ re arho re bede.—Se 1 Jọn 4: 9, 10.

2, 3. (a) Ebruphiyo vo yen hero vwo ke ohwo ro vwo esegbuyota? (b) Enọ vo yen e che roro kpahen asaokiephana?

3 Ekevuovo, die yen esegbuyota tobo mudia-  
phiyo? Ghwa he erianrien ghevweghe re ebru-  
phiyo re Jihova muegbe royen vwo ke avwanre?  
O ro ma rho, idjerhe vo yen e se vwo dje  
esegbuyota phia?

### “SEGBUYOTA VWE UDU WEN”

4 Esegbuyota vre a de vwo rien ohore re  
Oghene. Oyen egba ogangan ro mu ohwo vwo  
yeren nene ohore re Oghene. Esegbuyota re  
vwo kpahen usivwin re Oghene yen mu ohwo  
vwo ghwoghwo iyenren esiri na ke ihwo efa.  
Oyinkon Pol de dje fioto: “Wo de ghine rhovwe  
vwe unu wen ne Jesu he Orovwohwo wo de rhe  
segbuyota *vwe udu wen* ne Oghene kpaero ne  
ughwu rhe, ku wo rho. Kidie *udu* ohwo vwo  
segbuyota koye o vwo rease, o me rha vwe

4. Djise re oboresoro esegbuyota vwo vre erianrien ghe-  
vweghe.

unu rhovwe koye o vwo rho.”—Rom 10:9, 10; 2 Kor. 4:13.

5 Aphro herọ-o, e se vwo iphirophiyọ re arhọ re bede vwe akpo kpokpo na siere e de vwo esegbuyota je sero royen. A sa vwe oboresoro a vwo sero re esegbuyota vwo dje oboresoro okankon vwo guono ame. Okankon ra kon phiyoto wene okeneje. Okankon tiyena se vwioro siere o rha mre ame-e, o nabo yovwen siere o da mre ame okieje. Okankon ro pha yoyovwin jovwo na se ghwu siere o rha mre ame-e. Otiyen esegbuyota avwanre hepha. O se vwioro ji ghwu siere e de no kuerofia. (Luk 22:32; Hib. 3:12) Je, a da nabo vwerote, “esegbuyota” avwanre ko cha rha “rhua phiho,” ko je cha ganphiyo okieje. —2 Tes. 1:3; Tai. 2:2.

5. Diesoro esegbuyota vwo dia obo re ghanre mamọ, ke mavo a sa vwo sero royen? Djudje royen.

## OBORE BAIBOL NA DJISE RE ESEGBUYOTA

6 Baibol na djise re esegbuyota vwe Hibru 11:1. (Se.) Esegbuyota churobo si eronwon ive re je mre: (1) “Iphiero,” onana se churobo si obo re veri ne o cha phia vwe obaro na, kere oba re umwemwu eje ve echa re akpo kpokpo na. (2) “Imuero re obo re jemre.” Vwe ekpo nana, ubiota re Grik ra fan kpo “imuero” na mudiaphiyo “obo ri djerephia” ne oronwon ra mre-e ghine hero den. Kere udje, Jihova Oghene, Jesu Kristi, emekashe na, ve obo re Uvie re odjuvwu na rue. (Hib. 11:3) Mavo yen e se vwo djephia ne avwanre vwo uvi re iphirophio, ji vwo imuero re eronwon re je mre rehe Baibol na? Womare ota ve uruemu avwanre. Ababo re enana esegbuyota avwanre je rhe gba-a.

6. Idjerhe ive vo yen Hibru 11:1 vwo djise re esegbuyota?

7 Ọbe rẹ Hibru 11:7 kanrunumu esegbuyota rẹ Noa, ohwo rẹ “Ọghẹnẹ vwo vuẹ . . . kpahe *obo re cha phia ra je mre-ẹ*, ọ da dje osho ra kare oko ro vwo siwii evwruwevwi roye.” Noa dje esegbuyota royen phia oke ro vwo kare oko rode. O muero ne ihwo re dia kere noro kpahen oboresoro o vwo kare oko orhwarho tiyena. Noa fotovwin yere o vuẹ ayen ne o te aye-en? Kakaka! Esegbuyota royen muro vwo fiudugberi ghwoghwo ke ihwo rẹ oke yena je ke ayen orho-esio rẹ edjoguo rẹ Ọghẹnẹ ro cha na. Aphro hero-o, Noa vwanriẹn eta rẹ Jihova vwo ke ihwo na, ro vwo tane, “Me guonore ne me guoghọ emu ejobi ne akpo na; kidie akpo na vonre ve ozighi fiki rẹ ayen; . . . Me cha vwe ame ku akpo na, re o rhe ghwooro uvwo ejobi

7. Idjerhe vo yen udje rẹ Noa vwo chon avwanre uko vwo riẹn obo ro mudiaphiyọ re vwo vwo esegbuyota? (Ni uhoho resosuo vwe Uwevwin Orherẹ ocheko na.)

ri vwo ẹnwen ẹ arho re oto ẹ odjuvwu na; kemu kemu ri enu ẹ akpo na ejobi ko ghwu re.” Vwoba, Noa je vwe ayen obo re sa ke ayen usivwin kirobo ẹ Oghene vwe iji na vwo ke ne, “Ko wo cha ro evun ẹ oko na.” Otioyena, Noa dje esegbuyota royen phia kidie a riene phiyo ohwo ro ru “aghwoghwo ẹ owata.”—Jen. 6: 13, 17, 18; 2 Pita 2:5.

8 O sa diane e si obe ẹ Jems oke ẹ oyinkon Pol ghwe vwo si kpahen esegbuyota nu vwe obe ẹ Hibru. Kere Pol, Jems djere fioto ne uvi ẹ esegbuyota die imuero ghevweghe-e, o je guono iruo. O de si: “Gbe dje esegbuyota wen ro vwo iruo-o na ke vwe, rere me rha wan oma ẹ iruo me dje esegbuyota me ke we.” (Jems 2:18) Jems ji dje ofene ro hero uvwre ẹ imuero ghevweghe ve oboden ẹ

8. Die yen ewen ofuanfon mu Jems vwo djekpahen obore uvi ẹ esegbuyota mudiaphiyo?



esegbuyota. Emekashe re Idebono vwo imuero ne Oghene hero, ekevuovo ayen vwo oboden re esegbuyota-a. Koyensoro ayen vwo reyo vwosua orugba re ohore re Oghene. (Jems 2:19, 20) Vwo fene ayen, Jems da ta ota kpahen oshare ofa ro vonre ve esegbuyota, o da no ono nana: “O dia iruo re Ebrahim ruru e vwo se owata, ro vwo reyo Aizik omoro roye vwo ze izobo vwe enu re agbada? Wo mre re ne esegbuyota vwo ba iruo roye vwi fiki re iruo na koye a vwo mre segbuyota na vughe.” O se vwo hwe uperen muo ne esegbuyota guono iruo, Jems da ta: “Kirobo re enwen de ne ohwo o mi ghwu na, eriyin esegbuyota ro vwo iruo-o ji ghwu rhe.” —Jems 2:21-23, 26.

9 Omare egbukpe ogban vwo wan nu, oyinkon Jon de si obe royen ve ileta erha. O dje 9, 10. Mavo yen oyinkon Jon vwo chon avwanre uko vwo rien obo ro ghanre te e vwo vwo esegbuyota?

ọdavwaro phia kpahen obore ihwo efa ri ji si Baibol na nabo dje esegbuyota fioto wan? Jon yen ohwo ro ma reyo ubiota re Grik ra sa fan kpo “vwo esegbuyota,” vwo ruiruo usun re ihwo ri si Baibol na.

10 Kere udje, o tare ne, “O ro se Omọ na gbuyota vwo arho ri bede na; o ro rhe mu ogho ke Omọ na-a sa mre arho-o, ekevuovo ophu re Oghene dia uyovwi roye.” (Jon 3:36) Esegbuyota re Inenikristi churobo si re vwo nene iji re Jesu. Jon djunute eta re Jesu abo buebun ro djerephia ne ofori ne e vwo esegbuyota okieje. —Jon 3:16; 6:29, 40; 11:25, 26; 14:1, 12.

11 Mavo oma vwerhen avwanre te re Jihova vwo reyo ewen ofuanfon royen vwo dje uyota na ke avwanre je chon avwanre uko vwo vwo esegbuyota kpahen iyenren esiri na!

11. Mavo yen e se vwo dje ọdavwaro phia fikire uyota na re avwanre mrevghe?

(Se Luk 10:21.) E jẹ avwanre kpevwẹ Jihova ọkieje kidie o si avwanre te oma womarẹ Ọmọ royen rọ dia “Ọkobarọ kugbe Orugba rẹ esegbuyota rẹ avwanre.” (Hib. 12:2) E se vwo dje ọdavwaro kpahen ẹserophe nana, ofori nẹ a bọn esegbuyota avwanre gan ọkieje womarẹ ẹrhovwo ẹnẹ vẹ uyono rẹ Baibol na.—Efe. 6: 18; 1 Pita 2:2.

12 E jẹ avwanre vwo esegbuyota kpahen ive rẹ Jihova ọkieje. Ofori nẹ ihwo efa nabọ mre ọnana gbonoze. Kere udje, ọkeneje yen avwanre vwo vwobọ vwe iruo aghwoghwo na vẹ odibo egbe. E jẹ avwanre ji ru “emu esiri kẹ ihwo ejobi, marho, kẹ ayen otu re hẹ evwruwevwi rẹ esegbuyota na.” (Gal. 6:10) Avwanre je davwengba vwo “siobọ nẹ ohwo rẹ awanre na vẹ uruemu roye ejobi,” a kẹnoma

12. Idjerhe sansan vọ yen e se vwo dje esegbuyota phia?

kẹ kemu kemu rọ sa guoḡho ẹdia re ẹwen avwanre.—Kol. 3:5, 8-10.

## **ESEGBUYOTA KPAHEN OGHENE, OYEN EBERE OVO RE UCHIVWO AVWANRE**

13 Baibol na da ta: “O dia esegbuyota-a yo epha benben re vwo ru obo ri je. Kidie ohwo kohwo rọ tanẹ oye si kere Oghene mi segbuyota ne o herọ ne oye re hwa osa ke ayen otu re guonerọ.” (Hib. 11:6) Ota re Oghene djise re “esegbuyota” kpahen Oghene kere eberẹ ovo re ‘uchivwo’ ra guonore a ke sa dia oboden re Onenikristi okieje. (Hib. 6:1) Otioyena, ko fori ne Inenikristi vwe iruemu eghanhanre efa “vwo ba esegbuyota” rayen rere ayen sa vwo “sero re oma [rayen] vwe evun re eguono re Oghene.”—Se 2 Pita 1:5-7; Jud 20, 21.

13. Mavo yen “esegbuyota” kpahen Oghene ghanre te, die yen a vwerọ vwo dje, ke diesoro?

14 Inenikristi ri si Baibol na nabo kanrunumu oghanrovwe re esegbuyota kidie ayen djunute abo buebun. O vwo uwan ofa re djunute abo buebun tiye-en. Onana ko mudia-phiyo ne esegbuyota yen uwan re Onenikristi ro ma ghanre?

15 Pol vwo vwe esegbuyota vwo vwanvwen eguono, o da ta: “O da diane mi vwo eseguyota, ro se ghwie ugbenu, ekvuvovo yi mi vwo eguono-o, yo mevwe ohwo diodi.” (1 Kor. 13:2) Jesu je kanrunumu uwan oghanghanre nana ro dia eguono re vwo kpahen Oghene, oke ro vwo kpahen phiyo ono nana: “O vo re ma rho vwe evun re irhi na?” (Mat. 22:35-40) Eguono si iruemu efa re Onenikristi guonore ba oma, ji te esegbuyota. Baibol na tare ne, “Eguono . . . se emu ejobi gbuyota.” O se ota

14, 15. Mavo yen esegbuyota ghanre te a da vwo vwanvwen eguono?

ejobi rẹ Ọghẹnẹ ta phiyo Baibol na gbuyota.  
—1 Kọr. 13:4, 7.

16 Fikire ọghanrovwe rẹ esegbuyota ve ẹguṅṅo, ihwo ri si Baibol na reyo iwan nana vwo ruiruo kugbe abo buebun, oke buebun vwe urhie rẹ ota vuovo. Poḷ durhie iniovo na ne ayen “vwe *esegbuyota* ve *ẹguṅṅo* ru aghigho ku phiho.” (1 Tesa. 5:8) Pita siri ne, “Ovwan je mre [Jesu] devo-o ye ovwan *guṅnero*; dede ne ovwan je mre devo-o na ye ovwan *sere gbuyota*.” (1 Pita 1:8) Jems da rha no ihwo ra jereyo na: “O dia Ọghẹnẹ ovo re sanṅo ihwo rẹ akpo se ne ovwiogbere na ne e rhe dia edafe rẹ *esegbuyota* kugbe ireuku rẹ uvie ro veri ke otu re *guṅnero* na?” (Jems 2:5) Jon de rhe si: “Onana koye he urhi [rẹ Ọghẹnẹ], ne avwanre  
16, 17. Mavo yen Baibol na reyo esegbuyota ve ẹguṅṅo vwo ruiruo wan, ekevuovo orho yen ma rho, ke diesoro?”

*se ode re Omọ roye Jesu Kristi gbuyota ra guṅṅo ohwohwo.*”—1 Jṅn 3:23.

17 Dede ne esegbuyota pha ghanghanre, a rha cha guṅṅo uruemu nana-a siere a da rhe mre orugba re ive re Oghene kugbe iphirophiyọ re avwanre nu. Ekevuovo, eguṅṅo re vwo kpahen Oghene ve orive avwanre che vwo oba-a. Koyensoro Pol vwo si ne, “Otioye na esegbuyota, iphirohọ, eguṅṅo gba dia, enana erha na; ekevuovo o ro marho vwe enana ke eguṅṅo.”—1 Kor. 13:13.

## **ODJEPHIA RODE RE ESEGBUYOTA**

18 Nonena, ihwo re Jihova dje esegbuyota phia kpahen Uvie re Oghene re vwo mu na. Onana nerhe a rhe mre iparadaisi re ewen re ihwo re vre oduduru erenren hepha nonena.

18, 19. Odjephia rode re esegbuyota vo yen avwanre mre nonena, ke ono yen vwo ujiri na?

Ayen eje dje omamo ɾe ewen ofuanfon na phia. (Gal. 5:22, 23) Onana ghene odjephia rode ɾe uvi ɾe esegbuyota ve eguono ɾe Inenikristi!

19 O die egba ɾe ohworakpo yen ru onana-a. Oghene yen ruro. Iruo nana ro vonre ve igbevunu na hwarhie urinrin vwo rhe Jihova, ro dia “oka ri bede ro je phoro.” (Aiz. 55:13) Vwore uyota, onana “oke ɾe Oghene” ɾe avwanre vwo vwo usivwin “vwe oma ɾe esegbuyota.” (Efe. 2:8) Iparadasi ɾe ewen ɾe avwanre na che yovwin phiyo je rhophiyo okieje re te oke ɾe otorakpo na eje cha vwo von ve ihworakpo re gbare, re dia ewata, ri ji vwo omavwerhovwen ro cha dia ujiri vwo ke ode ɾe Jihova bede. E je avwanre vwo esegbuyota kpahen ive ɾe Jihova okieje!

Kpo [www.jw.org/urh](http://www.jw.org/urh), yere  
skani ikodu nana ➞

